



Inatsisartuni ilaasortaq
Justus Hansen
Demokraatit

**§ 37 naapertorlugu internettimut akit pillugit apeqqummut 2017-276-imut
akissut**

02-02-2018

Suliaq normu: 2017-28115

Dok. nr. 26585056

Asasara Justus Hansen

Apeqquteqaatinnut Inatsisartut suleriaasianni § 37 naapertorlugu nassiuussannut, uannit akineqartussanngorlugit innersuussutigineqarsimasunut, qujanaq.

Apeqqutit ataasiakkaarlugit ataani akineqarput.

Postboks 909

3900 Nuuk

Tlf.: (+299) 34 50 00

E-mail: box909@nanoq.gl

www.naalakkersuisut.gl

**1. Naalakkersuisut qinnuigaakka illoqarfiit nunaqarfiillu tamaasa allattoqqullugit
tassanilu erseqqissarlugu internetti qanoq ittoq sumiiffinni assigiinngitsuni
pineqarsinnaalissasoq. Allattukanut ilaassaaq tunisassiat assigiinngitsut
sumiiffinni ataasiakkaani pisiarineqarsinnaasut akii.**

Akissut:

Siullermik TELE-POST-ip nittartagaa innersuussutigerusuppara. Naak Naalakkersuisut ataavartumik TELE-POST-imut akigititassanik paasitinneqartaraluartut, akit qaqpukkut tamanut nalunaarutigissanerlugit TELE POST-ip nammineq aalajangertussaavaa. Interneteqarnermut kiffartuussivit ilaatigut ammanerulernikuupput, amerlanernillu tuniniaasoqalernikuulluni. Tuniniaasut ataasiakkaat akigititatik namminneq nittartakkaminni nalunaarutigisarpaat, tamanna Naalakkersuisunit suliassaanngilaq.

**2. Naalakkersuisut eqqarsaatigisinnnaanerlugu sumiiffinni internettimik
sukkasuumik pisiffiusinnaanngitsuni aamma killeqanngitsumik paasissutissanik
aallerfiusinnaanngitsuni akitigut akikillisaasoqarsinnaanersoq?**

Akissut:

TELE-POST-ip tamatigut innuttaasunut pitsaanerpaanik akeqartitsisarnissaa neqerooruteqartarnissaalut Naalakkersuisut kissaatigaat. Tamanna anguniarlugu TELE-POST pilersitaavoq.

**3. Qanoq iliorlutik Naalakkersuisut sulissutiginiarpaat nuna tamakkerlugu
sukkasuumik internetteqalernissaa paasissutissanillu killeqanngitsumik
aallersinnaanngortoqarnissaa?**

Akissut:

TELE-POST-i illoqarfiit nunaqarfiillu attaveqatigiinnissaannut aaqqissuussinissamut pisinnaassumvik akuersissuteqarpoq, tamannalu nuna tamakkerlugu internetteqarnissaanut qulakkeerininnissamut tunngavilersuutaavoq. Taamaasilluni suliassaq TELE-POST-imut tunniussaavoq, taakkumi naliliinissamut piginnaasaqartuupput, teknikkitigut atortussat sorliit pitsaanerpaatut atussanerlugit.

TELE-POST-ip maannakkut suliaat tassaasut; Aasiannut imaatigut kabelilersuineq, sakkortusaaviit Upernaviup tungaanut tallinissaat, sakkortusaaviit pioreersut sakkortuninnorlugit kiisalu 4G atorlugu nunaqarfinni attaveqaatit atuutilernerat suliniutaapput, innuttaasut 80 %-iisa sukkannerusumik internetteqarlersitsisussatut, tamannalu innuttaasut 92 %-iinut atuutsinneqalertussatut annertusineqarpoq. TELE-POST ilisimatitsivoq innuttaasut 8 %-iinut sinneruttunut pissutsit pitsangortinnissaannut periarfissat ingerlaavartumik misissuiffigisaritik.

4. Naalakkersuisut isumaqarpat nunap ilaani killeqanngitsumik paasissutissanik aallertoqarsinnaalersitsisoqarmat innuttaasunik immikkoortsitsisoqartoq taamaattoqarsimappallu taava Naalakkersuisut tamanna qanoq isumaqarfigaat?

Akissut:

Siullermik erseqqissaatigissavara Naalakkersuisut innuttaasunik immikkoortsinsiaanermik siunertaqaratillu suliaqanngimmata. Kisiannili maannamut teknologiit atorneqartut atorlugit Kalaallit Nunaata avannaani Tunumilu innuttaasut tamaasa anguniarlugit, isorartussutsit annertuut issittumilu pissutsit unamminartorpassuallit qaangernissaat, piffinnut inoqarnerusunut sanilliullugu, akisunerujussuuvoq, peqataanillu aningaasartuutit matussuserneqarnissaannut atuisunit ikinnerusunit isertitat annikinnerullutik. Tamatuma kingunerisaanik nunatta inissismanera peqquaalluni periarfissat tunngaviusut sumiiffinni assigiinngitsuni, assigiinngitsuupput. Akit tuniniagassallu assigiinngissutaat, periarfissat tunngaviusut assigiinngissutaannik peqquteqarput.

5. Naalakkersuisut akinut taavalu internettip sukkassusaanut tunngasunik allanik soqtiginartunik paasissutissiisinhaappat?

Akissut:

Naamik, allanik ilassutissaqanngilanga. Kisiannili tassani aamma TELE-POST-ip nittartagaa innersuussutigeqqissavara, tassani innuttaasut 92 %-iisa sukkannerusumik internetteqalernissaannut suliat atuarsinnaagakkit.

Neriuppunga qulaani allaqqasuni apeqquteqaatitit akineqartut.

Inussiarnersumik inuullaqqusillunga

Erik Jensen